

光道

遵

義

府

志

(二)

清·平翰 等修 鄭珍 莫友芝 纂
光道二十一年刻本 四十八卷首一卷

官績一

宋人州郡之書皆著官蹟錄紀賢而不載暴章直道
繁謳思蓋與史傳異也遵義自漢及明中間或統治
或分理或芟蕩夷砦或鏟平巨兇皆世著令聞功德
斯士

國家簡任攸司二百年來在此者孰賢孰能在眾口若
數黑白愚氓顧可欺耶人言可無畏耶今採次前代
凡著績郡地者遐稽博考彙為一篇改流後監司守
土既專管轄析編第二至各姓士官別系專傳其間

遵義府志

卷二十九

官績一

稱遺愛者亦略書名概俾同一科云

周秦

李冰 史記河渠書於蜀蜀守冰鑿離堆避沫水

之害穿二江成都之中此渠皆可行舟有餘則用溉
浸百姓饗其利至於所過往往引其水益用溉田疇

之渠以萬億計註漢書曰冰姓李犇陽國志周滅後

秦孝文王以李冰為蜀守續文獻通考元至順元年

封冰聖德廣裕英惠王子二即英烈昭惠顯靈仁祐

王舊四川通志冰子二郎助父治水厥功懋焉我

雍正五年封冰為敷澤與濟通祐王二郎為承績廣

惠顯英王

漢

吳霸 犇陽國志武帝拜唐蒙為都尉開非柯因

斬竹王置牂柯郡以吳霸為太守後夷濮阻城怨恨

竹王非血氣所生求立後嗣霸表封其三子列侯通

志請封其三子為侯濮夷懼服

陳立 前漢書西南夷傳成帝河平中夜郎正興

與鈞町王禹漏卧侯俞更舉兵相攻牂柯太守請發

兵誅興等議者以為道遠不可擊迺遣太中大夫蜀

都張匡持節和解興等不從命刻木象漢吏立道旁

遵義府志

卷二十九

官績一

射之社欽說大將軍王鳳選任職太守鳳于是薦金

城司馬陳立為牂柯太守立者臨邛人前為連然長

不韋令蠻夷畏之及至牂柯諭告夜郎王興與不從

命立請誅之未報迺從吏數十人出行縣至興國且

同亭召興與將數千人往至亭從邑君數十人入見

立立數責因斷頭邑君曰將軍誅亡狀為民除害願

出曉士眾以興頭示之皆釋兵降鈞町王禹漏卧侯

俞震恐人粟千斛牛羊勞吏士立還歸都興妻父翁

指與興子邪務收餘兵迫脅旁二十二邑反至冬立

秦募諸夷與都尉長史分將攻翁指等翁指據阨為

豎立使奇兵絕其饗道縱反間以誘其眾都尉萬年曰兵久不決費不可共引兵獨進敗走趨立營立怒叱戲下命格之都尉復還戰立引兵救之時天大旱立攻絕其水道蠻夷共斬翁指持首出降立已平定西夷徵詣京師會巴郡有盜賊復以立為巴郡太守秩中二千石居賜爵左庶長徙為天水太守勸民農桑為天下最賜金四十斤入為左曹衛將軍護軍都尉卒官華陽國志序志左衛護軍陳立字少遷歷牂柯巴郡天水三郡太守治為天下最

遵義府志

卷二十九

宦績一

三

董氏與郡功曹謝暹保境為漢乃遣使從番禺江奉貢光武嘉之並加褒賞華陽國志聞世祖在河北乃遣使使由番禺江出奉貢漢朝世祖嘉之號為義郎劉寵 華陽國志字世信縣竹人出自孤微以明公丰春秋上計闕下除成都令政教明肅時諸縣多難治乃換寵為郫令又換鄭安漢皆垂績還在成都遷牂柯太守初乘一馬之官布衣疏食儉以為教居郡九年乘之而還吏人為之立銘王商陳實當世貴士皆與為友

按士女讚作劉寵而蜀志作龐事同名異未詳孰

是

張亮則 華陽國志字元修南鄭人也為牂柯太守威著南土永昌越嶲夷謀欲反畏則換臨其郡相諫而止號曰臥虎以成狄勳遷護羌校尉

朱博 漢書本傳字子元杜陵人遷大司農坐法左遷犍為太守先是南蠻若兒數為寇盜博厚結其昆弟使為反間襲殺之郡中清哀帝初為大司空丞相以罪召詣獄自殺

朱遵 華陽國志蜀志犍為郡公孫述有蜀郡拒守述代之郡功曹朱遵逆戰眾寡不敵遵伴馬死戰

遵義府志

卷二十九

宦績一

四

遂為述所并又曰其忠貞則朱遵伴馬必死又序志忠壯復漢將軍朱遵字孝仲武陽人

費詩 三國志本傳字公舉犍為南安人劉璋時為縣竹令先主領益州牧以詩為督軍從事出為牂柯太守還為益州前部司馬後羣臣議欲推漢中王稱尊號詩上疏忤旨左遷部永昌從事建興三年從諸葛亮南行蔣琬秉政以詩為諫議大夫卒于家

馬忠 三國志本傳字德信閬中人少養外家姓狐名篤後乃復姓改名忠建安末與李廉除漢昌長先主東征巴西太守閻芝發諸縣兵五千人以神遺

關道忠送往先主已還永安見志與語謂劉巴曰雖
亡黃權復得孤篤此為世不之賢也建興三年京人
南拜忠牂柯太守郡丞朱褒反叛亂之後忠撫育郵
理甚有威惠八年召為丞相參軍明年亮出祁山忠
詣亮所經營戎事軍還督將軍張疑等討汶山郡叛
羌十一年南夷豪帥劉胄反擾亂諸郡徵庾降都督
張翼還以忠代翼遂斬胄平南土封博陽亭侯初建
寧郡都督常駐平夷越嶲郡亦久失土地忠開復舊
郡延熙五年還朝加拜鎮南大將軍七年春費禕北
禦魏畱忠成都平尚書事禕還忠乃歸南十二年卒

遵義府志

卷二十九

臣續一

五

子修嗣忠為人寬濟有度量但詎調大笑忿怒不形
於色然處事能斷威恩并用是以蠻夷畏而愛之及
卒莫不自致喪庭流涕盡哀為之立廟祀迄今猶在
華陽國志南中志牂柯郡其郡守垂坊名者前有吳
霸陳立後有漢中張亮則廣漢劉寵捷為費詩巴西
馬忠皆著勳烈

晉

何隨

華陽國志字季業蜀郡郫人漢司空何武

後世有名德徵聘入官隨治韓詩歐陽尚書研精文

緯通星曆郡命功曹州辟從事光祿郎中主簿除安

漢令到亡去官大同後臺召不詣除河間王郎中不
就居貧困儉衣弊蔬食書躬耕耨夕修講誡著譚言
十篇論道德仁義太康中即家拜江陽太守民思其
政年七十一卒官後州鄉人言議平當者皆相謂何
江陽至于汶山夷有正直廉讓者亦號夷中何江陽
杜景文何興仁皆為作傳

毛楚

華陽國志文立傳同郡毛楚有美德牂柯

太守又後賢志目錄牂柯太守毛楚枳人通志為夷

人所信服

侯馥

華陽國志字世明江陽人也察孝廉平西

遵義府志

卷二十九

臣續一

六

參軍後巴郡亂避地入牂柯寧州刺史王遜鎮
平西將軍復取為參軍遜議欲遷牂柯太守謝恕為
涪陵太守出屯巴郡之把口表馥為江陽太守住江
陽之泚源撫郵蠻獠克復江陵請通長江維征東大
將軍李恭已在江陽馥招降夷獠修繕舟艦為進取
計預白遜請軍移恕俱出涪陵不能自前恭舉眾攻
馥眾寡不敵為恭所破獲生虜馥送雄雄下廷尉責
曰事君有死無二其次破家與國今縱不死又無益
國灰汲其分守心而已無他顧望雄必欲屈之使馥
同郡人張迎曉喻之馥怒罵迎曰吾等國亡不能存

大難不能死，何面目相見也。且王寧州治亂才也，以吾有桑梓之恥，故遠上尚書，遣吾討賊受命之日，實忘寢食，但裁船未辦，請軍未至，牽搦不及，為他所先，當滅身隕碎，以謝不及，冀上不負日月下不愧王侯。吾豈苟生如卿兒女之人乎？迎還白雄，雄義而赦之時，雄眾寇所獲，犍為太守建寧魏紀漢國太守梓潼文琰巴郡太守巴西黃龕涪陵太守巴西趙弼永昌謝俊牂柯文猛皆區區稽顙無如腹者數年卒。

按通志列復人物云：牂柯人因華陽志避地牂柯。

遵義府志

卷二十九

宦績一

七

而誤不足據，又載有董霸云：永嘉中以平樂太守破牂柯平夷等地，考華陽國志曰：犍為太守雷瓘流民陰貢平樂太守董霸破牂柯平夷南廣北隆李雄是霸乃叛賊，今特削之。

又按通志遵義名宦列晉母雅云：巴郡臨江人，時西南夷強悍不靖，以雅為夜郎太守，殊俗感而化之。一統志亦然，作母稚考晉之夜郎郡治夜郎縣，地在今烏江東，與遵義無涉，不應載其太守去之。

唐

牛騰 太平廣記百十二引紀聞字思遠朝散大夫，邠城令，棄官從好，精心釋教，從其志者終身常慕陶潛五柳先生之號，故自稱布衣公子。即侍中中書令河東侯炎之甥，未弱冠，明經擢第，再選右衛將軍曹參軍，少挺異操，清儉自守，德業過人。故王勃等四皆出其門。下年壯而侯遇害，謫為牂柯建安丞。至牂柯素秉誠信，篤敬佛道，雖已婚宦，如戒僧焉。口不安談，目不妄視，言無偽行，無頗以是夷獠漸漬，其化遂大布。釋教于牂柯中，常攝郡長吏置道場，數處居三年而莊州獠反，轉入牂柯郡人皆殺長吏以應之。建

遵義府志

卷二十九

宦績一

八

安大豪起兵相應，乃劫騰坐于樹下，將加戮焉。忽有夷人持刀斬守者，頭乃嘗曰：縣丞至惠，汝何忍害若人？因置騰于籠中，令力者負而走。于是兼以孳免事，解後郡以狀聞，詔書還公事，許其還歸。後宰數邑皆計日受俸，其清無以加。

羅榮

楊端 二人詳士官傳

宋

田景遷 詳士官傳

李九則

通志字重範，濟州團練使，謙溥子。太平興

國七年權開門使高溪蠻田彥伊入寇遣詣辰州與
轉運使張素荆南劉昌言議允則以蠻徼不己如兵
悉招輯之獲允則宋史有傳

熊本 宋史本傳字伯通番陽人兒時知學郡守
范仲淹異其文進士上第為撫州軍事判官稍遷秘
書丞知建德縣提舉淮南常平檢正中書禮房事六
年瀘川羅晏夷叛詔察訪梓夔得以便宜治夷事本
嘗通判戎州習其俗謂彼能擾邊者介十二村豪為
鄉導爾以計致百餘人梟之瀘州其徒股栗願矢死
自贖本請于朝寵以刺史巡檢之秩明示勸賞皆踊

遵義府志

卷二十九

官績一

九

躍順命獨可陰一酋不至本合晏州十九姓之眾發
黔南義軍強弩遣大將王宣賈昌言率以進討賊悉
力旅拒敗之黃葛下追奔深入柯陰窘乞降盡籍丁
口土田及其重寶善馬歸之公上受貢職于是烏蠻
羅氏鬼王諸夷皆從風而靡願世為漢官奴遷刑部
員外郎集賢殿修撰同判司農寺神宗勞之曰卿不
傷財不害民一旦去百年之患至干檄奏詳明近時
鮮儷焉賜三品服西南用兵蠻中始此渝州南川獠
木斗叛詔本安撫本進營銅佛垣扼其亢焚積聚以
破其黨木斗氣索舉溱州地五百里來歸為四砦九

堡建銅佛垣為南平軍初熟獠王仁貴以本斗親繁
獄本釋其縛置麾下至是摧鋒先登大臣議加本天
章閣待制帝曰本之文朕所自知當與書命遂知制
誥出分司西京居三年起知涪州改廣州詔為工部
侍郎宜州蠻擾邊道除龍圖閣待制知桂州至則諭
溪洞酋長戒邊吏勿生事請選將練兵代戍益中馬
以足騎兵宜州遂無事民蔡寶珍易龍蕃與峒戶相
仇殺欲引兵殺討以為功本質之色動縛而投之海
蠻夷以為神

王光祖 宏簡錄字君俞涇原將珪之子也為真定

遵義府志

卷二十九

官績一

十

鈐轄命與內藏庫使楊萬皆受熊本節度征討渝獠
分三道進師本疑光祖不為用使將後軍出黃沙坎
比發日已暮夜半抵絕頂質明獠望見大駭一鼓而
潰萬等困於松谿又亟往援出石門斂其險促黔兵
先登賊舍而去光祖夜泊松嶺上旦始遇萬遂與俱
還本愧謝上其功第一瀘州夷乞弟犯邊寇戎州兵
官王宣等戰沒詔光祖從韓在寶會兵討之軍于梅
嶺夷屯數萬眾欲老我師光祖勸存寶早決戰不聽
林廣至復從征蕩其巢穴積功至四方館使知瀘州
初遣瀘南安撫使俾兼領邊事聽顯決遷客省使嘉

州刺史歷涇原河東定州路副總管卒

字文昌齡 宏簡錄字伯修雙流人登甲科調榮州

推官辟經略熊本幹當公事凡攻討招襲建南平諸

城砦皆出其畫官至寶文閣待制知開封府

王伯庠 政魏集王伯庠行狀字伯禮乾道四年主

管台州崇道觀十二月知開州五年八月復置秘閣

改知夔州兼本路安撫夔部曠遠夷夏雜糅皆以餘

力一新之施黔珍三州與南平軍地接生夷而思州

則田氏世襲撫御尤難有何思明任鬼師楊震穆會

等皆豪族動輒疑阻牒訴累與公化之深得其道宣

遵義府志 卷二十九 宦績一 十一

布威德警曉禍福揭示要束至或親致尺書思明投

牒乞藏勝於家傳示子孫楊震得書感泣飲泣盟誓

邊境帖息

張商英 宋史本傳字天覺蜀州新津人長身偉然

姿采如時玉負氣傲儼豪視一世調通州主簿渝州

蠻叛說降其酋辟知南川縣章惇經制夔夷狎侮郡

縣吏無敢與其語部使者念獨商英足抗之檄至夔

惇詢人才使者以商英告即呼入同食商英著道士

服長揖就坐惇肆意大言商英隨機折之落落出其

上惇大喜延為上客

姚 渙 宋史本傳字虛州世家長安隋開皇中官

景徹者以討平瀘夷策功為普州刺史卒子孫遂家

普州渙第進士監益州交子務知峽州徙知涪州賓

化夷多犯境渙施恩信附納酋豪爭羅拜廷下訖渙

去無警終光祿卿

曹 琦 宋史忠義本傳蜀進士也知南平軍被執

脫身南歸制置辟主管機宜文字聞都統趙安以城

降就守禦地自經死

劉望之 蜀中著作記合江劉望之紹興進士宰相

沈該薦其文無塵埃氣召除學官遷秘書省正字著

遵義府志 卷二十九 宦績一 十二

有觀堂集

楊 軾 軾弟 端十二代孫

楊 軾 軾子

楊 軾 軾子

楊 軾 軾子

楊 軾 軾子

按明統志人物川貴兩通志名宦漢英後皆列子

嘉貞考楊氏自漢英前世著賢勞乃心王室至嘉

貞元史載其以囊加台之叛舉全播以降兵賦非

弱元室未衰觀顏自全大喪前烈觀宋濂纂家傳

于統志所書嘉興事一語不及知明始修統志時特就楊氏所呈載之後人相沿不察以致賢否混淆又明初獻地楊鑑諸人本無可稱徒以率先歸附遂爾濫廁今並削之其本末具士官傳

江彥清 宋史忠義許彪孫傳咸淳二年北兵取開州德祐元年瀘守梅應春殺判官李丁孫推官唐奎端以城降珍州守將江彥清巷戰死之四川舊志彥清巴州人瀘守梅應春以城降元元兵併力攻珍珍城陷巷戰死

按通志列彥清元代非又明統志稱彥清守珍州

遵義府志

卷二十九

宦績

志

通志沿之稱為珍州守亦誤

元

李德輝 牧算集李忠宣行狀字仲實世居通之潞縣既就外傳嗜讀書束于貧無以自資輟業十六監酒豐州已乃厭糟麴嘆曰志士顧安此耶仕不足以匡君福民隱不足以歡親善身兩間之間人壽幾何烏可無或有聞死同腐草木也絕少年輩不游召其所觀與率一時名公碩儒歲丁未用太傅劉秉忠荐徵至潛藩俾侍今皇太子講讀至元八年授中奉大夫參知北京行尚書省事九年罷尚書省以故官參

知北京行中書省事皇子安西王有土關中之明年奏求輔已改安西王相明年詔以王相撫蜀其年重慶猶城守東西川各開樞府合兵數萬圍之德輝元

公今改至成都兩府爭遣使咨受兵食方略德輝危語動之曰宋今既亡重慶以巨擘之地不降何歸正以公輩利其剽殺不得有子女懼而不來耳不然他日兵未嘗戰及招討畢某偕中使奉璽書來赦最宜正言明告嚴備止攻以須其至反購得軍吏杖之為偽得罪懷之入降水陸之師雷鼓繼進實堅其不下也中使不喻詐計竟以不奉明詔反命如是者皆公

遵義府志

卷二十九

宦績

志

輩玩寇疆場心迹之著白者况復軍政不一相訾紛紛朝夕敗矣豈能必成功為哉兩府多致金帛子女為謝曰戎捷與人法令所不禁也讓不受出未至秦瀘州畔而重慶圍果潰再退守瀘州十三年秋也明年詔為西川副樞兼王相大軍既發留成都供億食纜支半月賦粟繼之官船不足括商民船千艘日夜督運其年復瀘州十五年重慶之圍再合踰月即下紹興南平夔施思播諸山壁水柵隨之皆下而東樞府猶故將也懲前與四川相觀望致敗惡相屬願獨軍圍合州初德輝以為重慶帥聞受圍必徵諸屬州

兵盡銳拒守合州宜虛誠使謀人持書曉之兵隨其後即出合俘繫順慶獄者縱之使歸語州將張珏以天子威德遠布宋室淪亡三官皆北又頒聖量含宏錄功忘過能早自歸必取將相與夏呂比又爲書反覆數千百言又約書言爲檄刊木于山浮板于江珏未及報還王即至是合遣李興張邵十二人者訶事成都皆獲之當斬復爲書縱歸使諭其將王立其言如喻珏者興至立亦計夙與東府有深怨懼誅復興等導帥幹楊獬獲蠟書間至成都降德輝從兵纔數百人赴之東府害其來爭有言立珏牙校也習狙詐

遵義府志 卷二十九 宦績一 十五

不信人特以計致公來使與吾爭垂成之功延命晷刻耳未必定降定降公冒吾圍而來受何物視我必不汝進德輝曰吾非攘若功者誠懼汝憤其後服誣以嘗抗蹕先朝利其剽奪快心於屠城也吾爲國活此民豈計汝嫌怒爲哉即單舸濟江薄城下呼立出降安集其民而罷置其吏立德之輿金玉飾少艾爲謝曰若以吾爲是來耶吾無事乎此其持往餽之東府合人自立而下家繪事之川蜀平復以王相還邸十七年詔與南省參政程某即其地聽思播湖南所訟鎮遠王平田會西南夷羅氏鬼國叛別詔雲南湖

南四川合兵三萬人誅之前茅及境矣德輝曰蠻夷無親爲俗吝貪始由邊將撫之失策積怨以叛好事之臣請加兵誅旁諸小夷洵懼相擅繼叛者必眾恐非直三萬人能歲月平也吾賴天子仁聖馳一介之使招之可坐俟其徠豈必煩兵不及以聞遣安珏止三道兵張孝思諭鬼國降其酋阿齊熟公名問曰是活合李公耶其人明信可恃即日受命身至播州降語且泣曰吾屬百萬非公惠活寧鬪死不降事畢驛聞改鬼國爲順元路以其弟阿哩爲宣撫使其年王相府罷十一月二十一日始至黃平是夜也星如

遵義府志 卷二十九 宦績一 十六

斗雲館垣外歎曰他日嘗夢主烏江今播水適名烏江與是星皆吾死徵也夫吾嘗誦馬伏波老當益壯之言而奇曹武惠爲將不殺得今活羅鬼馬革裹尸歸何憾二十七日卒後七日資政大夫中書左丞安西行中書省之命下蠻夷望轎車爲位祭且哭者百千人塗所經男女空家咨嗟聚觀合之安撫使立哀經率吏民迎哭傾振山谷爲發百人護喪達興元上聞而悼之贈光祿大夫中書右丞諡忠宣公賜錢二千緡具葬明年僉播州安撫司事何彥抗章請卽州治之東爲廟制曰可薨年六十二元史本傳改鬼國

後有以受鬼國馬千數譜德輝于朝者帝曰是人朕所素知雖一羊不妄受寧有是耶

李嗣宗 明統志至元末播州 戶守禦勇敢善撫兵眾人咸德之

忙古帶 元史耶律禿花傳忙古帶保童之子世祖時賜金符襲父職為隨路新軍總管統領山西兩路新軍從行省也速帶兒征蜀及思播建都諸蠻夷有功陞萬戶後歷宣慰使都元帥卒贈龍虎衛上將軍平章政事封濮國公諡威愍

何彥清 明統志播州安撫使有政績以安西行省

遵義府志 卷二十九 宣績一 七

左丞李德輝有德於播率其民立廟祀之

按彥清姚燧牧菴集作彥安撫使作僉安撫事名之脫否不可定其官自以安撫僉事為確稱安撫使元史駁文明統志仍之誤

楊邦憲 文子

楊漢英 邦憲子並著有勳德詳土官傳

明

鄭彥文 四川舊通志彭縣人元貴州宣慰使洪武

間投誠安撫播貴水西畢節有功擢戶部侍郎等貴

州通志山西蔚州人仕元為萬戶人蜀因家焉後陞

工部右侍郎

馮裕 通志臨朐人進士嘉靖中出守石阡時播

凱交惡裕討平之遷副使罷歸

張瓚 明史本傳字宗器孝感人正統十三年進

士授工部主事遷廣東參政轉浙江左布政使十年

冬以右副都御史巡撫四川播州致仕宣慰楊輝言

所屬天壩干灣溪諸寨及重安長官司為生苗竊據

請王師進討詔瓚諭還侵地不服則征之瓚率兵討

定請設安寧宣撫司即授輝子友為宣撫以鎮詔可

賜敕獎勞以母老乞歸母已卒會松茂番寇邊詔起

遵義府志 卷二十九 宣績一 六

復視事先後破滅五十二砦賊魁撒哈等皆殲他一

百五砦悉獻馬納款諸番盡平瓚功名著西蜀其後

撫蜀者如謝士元輩雖有功不及瓚惟天壩干之役

或言楊輝溺愛庶長子友欲官之詐言生苗為亂瓚

信而興師其功不無矯飾云

蔡潮 明史鄒文盛傳正德十一年文盛以右副

都御史巡撫貴州四川土舍重安馮綸與凱里楊宏

有怨宏卒綸糾諸苗相讎殺侵軼貴州境遣參議蔡

潮詣播州督宣慰楊斌撫定之請復設安寧宣撫司

以宏子襲而錄潮功尚書王瓊以專擅為潮罪不敘

石邦憲 明史本傳字希尹貴州清平衛人嘉靖七年嗣世職為指揮使累功進署都指揮僉事充銅仁參將進總兵官鎮貴州播州宣慰楊烈殺長官王黼黼黨李保等治兵相攻且十年總督馮岳與邦憲討平之播州苗盧阿項為亂邦憲以兵七千編筏渡江直抵磨子崖策賊必夜襲先設備賊至擊敗之賊求援於播州吳鯤諸將懼邦憲曰水西宣慰安萬銓播州所畏也吾調水西兵攻烏江聲揚烈縱鯤助逆罪烈奚暇救人乎已水西兵至邦憲進逼其巢乘風縱火斬關而登賊大奔潰禽賊首父子斬獲四百七十

遵義府志 卷二十九 宦績一 九

餘人進署都督同知播州容山副長官土舍韓甸與正長官土舍張問相攻甸屢勝遂糾生苗剽湖貴境垂二十年問亦糾黨自助邦憲討之斬百餘人問潛出被獲官軍乘勝入甸巢會暮大雨迷失道守備葉勳百戶魏國相等陷伏中死焉邦憲奪圍出還軍鎮遠再征之賊沿江守邦憲佯與爭而別自上流三十里編竹以渡水陸並進大破之斬甸容山平進右都督已又破白泥土官楊贊及苗酋龍力水等部內帖然邦憲生長黔土熟苗情善用兵大小數十百戰無不摧破所得俸賜悉以饗士家無贏資為總兵官十

七年威鎮蠻中與四川何脚廉西沈希儀並稱一時名將卒官贈左都督

越昇 通志宣慰司人宣德間以經明行修召將授館職會播州宣慰司求明經師化夷遂授昇播州司訓導卒

楊禮 毛奇齡蠻司合誌成化二十二年丹章諸

苗寇安寧四川參政謝士元副使翟廷蕙都指揮楊綱以兵往過播州詣宣慰愛家置酒高會翼日視學適州民賽社士元等坐學宮臨觀愛復攜酒至訓導楊禮艷然曰視學而觀社提兵而樂酒略等威而款

遵義府志 卷二十九 宦績一 二十

下屬竊為明公恥之士元等大慚而起

李崧祥 江南通志貴池人正德甲戌進士累遷四川布政使時世廟多營建蜀民困採木之役崧祥入覲抗疏止之因忤用事者致仕歸

龔輝 獻徵錄字實卿餘姚人嘉靖癸未進士授

工部主事以營仁壽宮命督木四川得大木五千餘根板枋如之部劄欲再倍其數公私俱困民情洶洶輝乃繪山川險惡轉運艱苦狀一十五圖各為貼說具奏命停止歷陞至工部右侍郎致仕

潘貞 江南志字景徵天順進士累進四川按察

使陞布政司貴州苗亂徵兵糧于蜀開府罔知所措
貞請以苗攻苗發播州之卒應之

楊國柱 李廷棟 萬曆二十七年二月楊應龍敗

官軍於飛練堡二人死之詳後李化龍傳

房家寵 張良賢 陳志二將於萬曆中以參將同

守綦江禦播血戰數十竟以眾寡不敵城陷皆死之

二將死討播之旨始決云

譚希思 湖南通志字子誠茶陵進士晉右副都御

史巡撫四川時播州逆節未露廷議主勦希思獨主

撫云不忍枯萬骨以邀上賞

遵義府志

卷二十九

宦績一

五

艾穆 明史本傳字和父平江人以鄉舉署阜城

教諭入為國子助教萬曆初擢刑部主事進員外郎

屢遷太僕少卿十九年秋擢右僉都御史巡撫四川

有告播州宣慰使楊應龍叛者貴州巡撫葉夢熊請

征之蜀人多言應龍強未易輕舉穆亦不欲加兵與

夢熊異朝命兩撫臣會勘應龍不願赴貴州乃逮至

重慶對簿論斬輸贖放之還穆病歸未幾卒後應龍

復叛議者追咎穆奪其職

沈瑞臨 舊浙江通志字夢錫萬曆丁丑進士陞四

川按察司僉事備兵川東時楊應龍煽動瑞臨練兵

訓武以計拊循之終瑞臨任應龍不敢叛未幾以母
老終養杜門斂跡精研濂洛之書以承絕學學者稱

約菴先生

王士琦 明史王宗沐傳臨海人子士琦進士重慶

知府播州宣慰使楊應龍叛承總督邢玠檄至松坎

撫定之遂進兵備副使治其地尋擢河南右布政使

坐應龍復叛降湖廣右參政

蒲林 舊綦江縣志萬曆二十二年甲午參將郭

成總兵劉承嗣征楊應龍至白石口敗績事聞命制

府勦撫屢遣官諭以禍福酋負固不出再命綦江縣

遵義府志

卷二十九

宦績一

五

知縣蒲林往龍素鷲服林見單騎至倒戈以迎隨面

宣德意約其降待以不死應龍俯首聽命制府尋委

監司同林往松坎就勘皆款服竟從寬典乃議於安

穩設安邊同知即以林陞任應龍旋又擾扶歡坦等

處林奮身往追即捲甲去明年秦民袁子昇為賊大

仇適繫合江縣獄賊發兵圍之指索子昇當事遣林

往林說合江出子昇棄一秦囚保全眾億讒忌者即

騰謗詔下本省逮勘以此去任而賊益無忌矣綦江

縣志林字小山陝西咸陽舉人知綦江凡七載廷議

松坎添設安邊廳即以林陞授林在安邊同知甫一

載孫紹禹蒲公去思碑丙申陞安邊同知丁酉以讒
忌云任

李化龍 明史本傳字于田長垣人萬曆二年進士
二十七年總督湖廣川貴軍務兼巡撫四川討播州
叛臣楊應龍應龍之先曰楊鏗明初內附授宣慰使
應龍性猜狠嗜殺數從征調恃功驕蹇知川兵脆弱
陰有據蜀志間出剽州縣雙小妻田雌鳳讒殺妻張
氏屠其家用誅罰立威所屬五司七姓不堪其害走
貴州告變巡撫葉夢熊疏請大征詔不聽逮繫重慶
獄應龍詭將兵征倭自效得脫歸復逮不出四川巡

遵義府志

卷二十九

宦績一

三

撫王繼光發兵討覆於白石應龍委罪諸苗朝廷命
邢玠總督值東西用兵勢未能窮治因招撫之應龍
益結生苗奪五司七姓地並湖貴四十八屯以界之
歲出侵掠是年二月敗官軍於飛練堡都司楊國柱
指揮李廷棟等皆死已復破綦江殺參將房嘉寵遊
擊張良賢投屍蔽江下偽軍師孫時泰請直取重慶
搗成都劫蜀王為質而應龍遷延聲言爭地界冀曲
赦如曩時化龍至成都徵兵未至亦謬為好語縻之
帝聞綦江破大怒追褫前四川貴州巡撫譚希思江
東之職而賜化龍劍假便宜討賊賊焚東坡爛橋樓

湖貴路又焚龍泉走都司楊惟忠化龍劾諸大帥不
用命者沈尙文逮治童元鎮劉綎皆革職充為事官
諸軍大集化龍先檄水西兵三萬守貴州斷招苗路
乃移重慶大誓文武明年二月分八道進兵川師四
路總兵官劉綎由綦江總兵官馬孔英由南川總兵
官吳廣由合江副將曹希彬受廣節制由永寧黔師
三路總兵官童元鎮由烏江參將朱鶴齡受元鎮節
制統宣慰使安疆臣由沙溪總兵官李應祥由興隆
楚師一路分兩翼總兵官陳璘由偏橋副總兵陳良
玘受璘節制由龍泉每路兵三萬官兵三之土司七

遵義府志

卷二十九

宦績一

五

之貴州巡撫郭子章駐貴陽湖廣巡撫支可大移沅
州化龍自將軍策應帝以楚地遼闊又擢江鐸為僉
都御史巡撫偏沅湖廣設偏沅巡撫自鐸始也推官
高折枝先以南川兵進據桑木鎮綎復自綦江入應
龍以勁兵二萬屬其子朝棟曰爾破綦江馳南川盡
焚積聚彼無能為也比抗諸路兵皆大敗應龍頓足
歎曰吾不用時泰計今死矣或言水西佐賊化龍詰
之疆臣斬賊使二氏交遂絕烏江兵敗績逮下元鎮
于理諸將益奮綎先入婁山關直抵海龍固璘疆臣
兵亦至賊勢急上固死守遣使詐降化龍檄諸將斬

使焚書以緹與應龍有舊諭無通賊緹械其人以自
明八路兵皆會圍下築長圍困之更番迭攻六月緹
破土月二城應龍窘與二妾俱縊明晨官軍入城七
子皆被執詔磔應龍屍並子朝棟于市自出師至滅
賊凡百有十四日播自唐乾符中入楊氏二十九世
八百餘年至應龍而絕以其地置遵義平越二府分
屬川貴化龍初聞父喪以金革起復至是乞歸終制
起工部右侍郎總理河道再以憂去未代敘前平播
功晉兵部尚書加少保廕一子世錦衣指揮使三十
五年起戎政尚書一品秩滿加柱國少傅兼太子太

遵義府志 卷二十九 宦績一 五

保卒官年七十諡襄毅贈少師加贈太師化龍具文
武才播州之役以劉緹驕蹇先摧挫之而薦其才故
緹爲盡力
劉緹 明史本傳字省吾都督顯子勇敢有父風
用蔭爲指揮使萬曆初從顯討九絲蠻以功遷雲南
迤西守備十年冬緬甸犯永昌騰越明年擢緹游擊
將軍緹生擒其魁雲南平進副總兵兵還甲而謀詔
革緹任以游擊候調尋用爲廣西參將移四川二十
年召授五軍三營參將會朝鮮用師緹請率川兵五
千赴援詔以副總兵從征還屬播酋楊應龍作亂擢

緹四川總兵官尋以應龍輸款而青海寇擾特設臨
洮總兵官移緹任之二十四年火落赤等掠番窺內
地告捷緹等進秩予廕有差明年朝鮮再用師破之
進緹都督同知世廕千戶遂移征楊應龍會四川總
兵官萬鏊罷卽以緹代之時分兵八道川居其四川
東又分爲二以綦道最要令緹當之應龍熟緹才頗
懼益兵守要害二十八年正月諸將克丁山銅鼓巖
村遂直搗楠木山羊簡臺三峒峒絕險賊將穆照等
率眾數萬連營諸將憚之緹分兵攻其三面大戰于
李漢壩生擒其魁餘賊奔入峒乘勢克三關直搗峒

遵義府志 卷二十九 宦績一 五

前焚之賊多死盡克三峒擒穆照及賊魁吳尙華是
日緹督戰左持金右挺劍大呼曰用命者賞不用命
者齒劍鬪死者四十人遂大捷應龍乃遣子朝棟維
棟及其黨楊珠統銳卒數萬由松坎魚渡羅古池三
道並進緹伏萬人羅古待松坎賊以萬人伏營外待
魚渡賊而別以一軍策應賊果至伏盡起緹率部下
轉戰斬首數百追奔五十里賊聚守石虎關緹亦掘
塹守初緹聞征播命還雷多設難以要朝廷言官交
劾議調南京右府僉書緹至是聞之卽辭任總督李
化龍以平播非緹不可固留之力薦於朝乃復受事

踰夜即營城攻克賊于滴淚三坡瓦窑坪石虎諸隘
直抵婁山關婁山萬峯插天叢箐中一徑纜數尺賊
設木關十三座排柵置深坑百險俱備縱分奇兵爲
左右路間道趨關後而自督大軍仰攻奪其關追至
永安莊兩路軍少會縱老將持重慮賊衝突聯諸營
一據婁山關爲老營一據白石口爲腰營一據永安
莊爲前營都指揮王芬者勇而寡謀每戰輒請爲前
鋒屢勝有輕敵心獨營松門埕之衝距大營數里賊
方有烏江之勝謀再奪婁山適穆照遣使洩芬孤軍
狀賊乃襲殺芬守備陳大剛天全招討楊愈亦死失

遵義府志

卷二十九

宦績一

二十七

亡士卒二千人縱聞親率騎往救部將周以德周敦
吉分兩翼夾攻賊始大奔追至養馬城而還是日應
龍幾被獲乃不敢窺婁山縱懲前失劄近關堅壁且
請濟師踰十日克後水圍營于冠子山尋會馬孔英
吳廣諸軍逼海龍圍下與諸將其平賊縱功爲多初
李化龍薦縱言官謂縱嘗納應龍賄使使齎玉帶一
黃金百白金千投化龍家爲化龍父所叱投巡按御
史崔景榮家亦如之化龍景榮竝奏其事詔革縱任
永不收錄沒其物于官已錄平播功進左都督世廕
指揮使縱於諸將中最驍勇所用水鏡刀百二十斤

馬上輪轉如飛天下稱劉大刀天啟初贈少保世廕
指揮僉事立祠曰表忠殉節諸臣錄左軍都督府左
軍都督僉書府事總兵官劉縱南昌人於諸將中最
驍勇歷平九絲蠻緬甸羅維朝鮮倭播州建昌諸寇
大小數百戰威名甚著萬曆四十六年四路出師由
寬佃道進與

大兵戰於阿布達哩岡兵潰戰死有養子招孫突圍出手
格殺數人力竭死之乾隆四十一年

賜諡忠壯劉縱上揭子及征播州夜郎等咽喉地共五十四
里除八省兵馬及陳璘吳廣等五大將止得一十六

遵義府志

卷二十九

宦績一

三十一

里外職獨得三十八里攻克四固三關後攻鐵柱關
並三十六步其滾杆礮石如雨兵一攔及卽成齏粉
至十餘日不克不得已職挺身出班與諸道計議軟
血同盟將陳吳李三總兵後路借讓一路地方與職
進攻大兵原帶三萬職止帶五千不二日間卽破險
圍三將下現有兵十餘萬所以能克者有當年章疏
塘報及征播全書可考凡此征討已經撫按具題經
今三年未蒙核紀夫此舉若以謂功也自宜頒賞以
示勸若謂功不足錄亦當明示以免官兵雲霓之望
乃所掃除者凶惡所開拓者土地而不以爲功後將

何以使人用命乎故今日非職自侈其功而必云爾者蓋因向年東征云云而征播軍門懸四十萬之賞而職同官兵所領止得六萬破楊酋海龍老囤之後而其餘賞銀竟化爲烏有矣劉氏武功世錄經本宗侍御史龔杞後父顯贊於劉從其姓後請復姓神宗不許謂復姓則掩乃父功欽賜姓劉卒年六十七其平播時賜功賞銀四千二百兩止給二千兩其餘二千二百兩以遵義仁懷田土酬折作賞後次子佐官貴州都司崇禎中歸居緹功田之在合江者

遵義府志

卷二十九

宦績一

元

也積戰功爲寧夏參將萬曆二十四年擢都督僉事會大征播州楊應龍詔發陝西四鎮兵令孔英將以往兵分八道孔英道南川獨險遠去應龍海龍囤六七百里未至重慶推官高折枝監紀軍事請獨當一面乃與參將周國柱先以石砭宣撫馬千乘兵破賊金筑復督西陽宣撫冉御龍敗賊于官壩孔英至軍平茶邑梅兵亦集軍容甚壯先師期一日入真州用土官鄭葵路麟爲鄉道別遣邊兵千扼明月關諸軍鼓行前連破四寨次赤崖抵清水坪封寧關破賊營十數逼桑木關關內民降者日千計折枝結三大砦

處之禁殺掠降者日眾賊益孤關爲賊要害山險箐深賊憑高拒乃令千乘御龍出關左右國柱搗其中賊用標槍藥矢銳甚官軍殊死戰奪其關逐北至風坎關賊復大敗連破九杵黑水諸關苦竹羊崖銅鼓諸寨國柱攻金子坦無一人疑有伏焚空砦十九嚴兵以待賊果突出擊敗之孔英乃留王之翰兵守白玉臺衛饒道平茶邑梅兵守桑木關而親帥大軍進營金子坦應龍聞桑木關破大懼遣弟世龍及楊珠以銳卒劫之翰營之翰走殺饒卒無算平茶兵來援賊始退孔英還擊世龍復卻裨將劉勝奮擊賊乃奔

遵義府志

卷二十九

宦績一

元

官軍進朗山進蒙子橋深箐蕩賊處處設伏悉勦平之應龍益懼遣其黨詐降謀爲內應折枝盡斬之伏以待珠果夜劫營伏發賊驚潰追奔至高坪已奪賊養馬城直抵海龍第二門下賊守兵益多孔英軍已深入而諸道未有至者西陽延綏兵皆退賊躡殺官軍六十八人居數日劉縉兵至乃合兵連克海巖海門諸關賊走保囤上竟覆滅初總督李化龍尅師期諸將莫利先入孔英所將邊卒及諸土兵皆獷悍監紀折枝勇而有謀故師獨先八道圍海龍諸將以囤後易攻爭走其後孔英獨壁關前錄功進都督同知